

Vër kufij

Nuk është e gabuar që ke shokë të seksit tjetër. Por, problemet fillojnë kur nuk je gati të lidhesh me dikë, dhe pa e kuptuar ndonjërit i jep përshtypjen se do që të jeni më shumë se shokë. Si mund ta shmangësh këtë?

Çelësi është vendosja e kufijve. Për të të ndihmuar, shqyrto këto histori të vërteta dhe përgjigju pyetjeve vijuese.

HISTORI E VËRTETË

«Ajo mendoi se
kisha ndryshuar
mendje»

Xhejsoni, një i ri, kishte shoqëri të ngushtë me një vajzë. Ai thotë: «Kishim vendosur të mos tregonim interes romantik ndaj njëri-tjetrit.» Por, Xhejsoni vazhdoi t'i çonte mesazhe të shumta në celular dhe të kërkonte shoqërinë e saj. Ai shton: «Gabova. Ajo mendoi se kisha ndryshuar mendje e po flirtoja.»

Pse vajza mendoi se
Xhejsoni po shfaqte interes
për të, ndonëse kishin folur
për marrëdhënien mes tyre?

Ç'kufij mund të kishte vendosur
Xhejsoni që të mbronte shoqërinë
e tyre pa dërguar sinjale romantike?



«Kur një vajzë fillon t'u bëjë
'like' të gjitha fotove të mia
në median sociale, më lë
përshtypjen se më ka
qejf.» —Stivëni.

HISTORI E VËRTETË

«Më tha se
po luaja me
ndjenjat e tij»

Aneta filloi të fliste me një çun. Tani pranon: «E kishim kaluar cakun. Ishte shok i mirë. Rrinim shumë bashkë, por nuk kisha interes romantik për të. Mendoja se as ai nuk kishte interes për mua. Pas njëfarë kohe, më kërkoi të lidheshim bashkë. U mërzit kur i thashë se e shihja thjesht si shok. Më tha se kisha luajtur me ndjenjat e tij dhe se e kisha bëra kastile.»

Sipas teje, a kishte të drejtë djali të mendonte se Aneta ndiente për të? Pse mendon kështu?



Ç'kufij mund të kishte vendosur Aneta që ta shmangte këtë situatë?



«Thuhet se e ke vetë në dorë si do të vazhdojnë gjërat. Përshtypje të gabuar nuk lë vetëm kur flirton ti. Ndonjëherë lë të njëjtën përshtypje thjesht kur i lejon të tjerët të flirtojnë me ty.»—Kerëni.

HISTORI E VËRTETË

«Rrinim
gjithmonë
bashkë»

Sipas Raketës, djali po i tregonte interes romantik. Ajo thotë: «Të gjithë e shihnin që rrinim gjithmonë bashkë. Madje, një herë më hodhi dorën në sup për disa minuta. Mendova se kishte ndjenja për mua, por kur e pyeta, tha se për të isha thjesht një shoqe, asgjë më tepër.»

A kishte arsye Rakela të mendonte se
djali i interesonte të ishin më shumë
se shokë? Pse mendon kështu?



Ç'kufij mund të kishte vendosur djali,
që të mos linte përshtypjen se donte
diçka më shumë se shoqëri?



«Mund të ndihesh i lajkatur
kur dikush i seksit tjetër tregon
interes për ty, dhe ka të ngjarë
ta lejosh të vazhdojë këtë
sjellje, ngaqë do që të ndihesh
mirë. Kur vë interesat e të
tjerëve para të tuave, tregon
maturi. Kështu nuk do të
rrezikosh të lëndosh
dikë.»—Britni.